



12.10.2021

UKA2021/122

Uunga siunnersuut: Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allangortinneqarnera pillugu inatsit nr. x ulloq xx. 2021-imeersoq (Erseqqissaaneq nipilersornermik inuussutissarsiutinut aamma filmiliornermi inuussutissarsiutinut tunngatillugu)

(Nunanut Allanut, Inuussutissarsiornermut, Niuernermut Silallu Pissusaata Allangoriartorneranut Naalakkersuisoqarfik)

Siumumiit inuussutissarsiornermut naalakkersuisoq film-iliortarnermut nipilersornermut inuussutissarsiortunut tunngasumut saqqummiussaanut imaattumik oqaaseqassaagut.

Nunani inuussutissarsiutinut tunngatillugu inuussutissarsiornermik siuarsaaneq pillugu Siumumiit nuannaarutigaaqput "nipilersornermik, filmiliornermillu" kulturikkullu tunngasunik assigiinngitsunik ingerlataqartut tamakkiisumik tapersorsorsigit.

Siumumiit isumaqarpugut piorsarsimassutsikkut ineriartortitsineq inuiaqatigiinnit aallaveqartussa, inuiaqa-tigiit kissaataat aallavigalugit. Isumaqarpuguttaaq piorsarsimassutsimut pisortaniit aningaasaliissutaasartut Naalakkersuinikkut siunertarineqartunut naapertuuttuusassasut.

Siumumiillu isumaqarpugut Filmiliornerup nipilersornerullu nunatsinni ineriartornera annertusaavigineqartariaqartoq, meeqqerivinni atuarfinnilu ilinniarfinnilu pingaartillugu ingerlanneqartariaqartoq.

Taamatut oqaaseqarluta siunnersuut ilalerparput, ataatsimiititaliamullu susasaqartumut ingerlanneqassasoq inassutigalugu.

Lars Poulsen

Siumut